

大小交椅洲




小交椅洲張保仔洞


境內以大小並稱之島嶼不少，如大小沙洲，大小磨刀，大小鴉洲，大小交椅，大小青洲，大小癩痢（牛尾海），大小鏟洲（西貢海），大小鴨洲，大小稔洲（吉澳海）等，除大小青洲列為禁區外，餘皆可遊，其中大小交椅兩洲，最近市區，而知遊者不多。然兩島頗有可觀，極堪遊賞，兩洲皆以交椅名，而其島形真似交椅，惟兩椅一東向（大交椅），一西向（小交椅），東椅之形清晰可見，自港島西區高地，自往梅窩之小輪，均可得睹，至於西椅之貌，只在坪洲與小交椅間之海面始可見，故人多只知小交椅之名，而不知其名之所自。

大交椅洲高近四百呎，南北西三面均陡斜，滿山小樹長草，雜以荊棘，難於上下，東首一灣內陷，兩旁各有山脊，如交椅之兩扶手，東北有一燈塔，附近有一座大墳，墓主自資築水坭路由海灘直達，灘北有一高數丈，濶十多丈之巨岩，岩後有縫隙，其內寬廣可容數十人，山頂全為灌木高草，自東北山脊踏草撥枝，勉可攀登，最高處有一石墩，半沒草樹之間，為境內有數之重要測量墩之一。

小交椅洲高只百呎許，西岸有兩海灘，偏南一灘較大，正對坪洲，左右各有小山脊，形如交椅，東北有一懸崖，高數十呎，北岸崖石間有一天然洞穴，高丈許，長數丈，離水十多呎，洞口有人工水坭小壩，顯為攔阻海水而設，此洞位置隱蔽，不易發現，聞為港境四處張保仔洞之一。其餘三處，一在長洲，一在南丫，另一在港島春坎角。


大交椅洲鳥瞰





寸灣黃泥洲

吉澳澳背塘外之黃泥洲



黃泥洲



以黃泥洲為名之島嶼頗多，其最著名者有四，一在糧船灣洲白鰲灣外，島上岩石受風浪侵蝕，縱橫崩裂，如乾涸之河道，登臨島上，縱目大海波濤，心胸為之一廣，一在吉澳洲澳背塘外，緊貼羊洲，以貓眼洞著名，為一穿窿島，一在荔枝窩海東之寸灣中，此島屹立海心，荒寂無聞，竟致年前出版之二萬五千分一及一萬分一之兩套香港地圖亦無其踪，（去年新版之二萬五千分一地圖已繪入此島），第四島在西貢斬竹灣東南黃宜洲之旁，潮退即連陸，為四島中最易登臨之一處。另有兩小嶼亦以黃泥洲為名，一在塔門海弓洲西南，只為一高二十呎許之出水礁排，島南有一高十呎許之直壁，壁下為一海蝕平台，故島貌雖小，仍有可觀，其二在坪洲西北大白灣外，為烏蠅洲之東島，烏蠅洲分左右兩半，中隔一潤大之沙石堤，潮漲一分為二，水退則只為一島，東島巨石互疊，高廿多呎，石頂有草叢，如烏蠅之首，又稱黃泥洲，聞此島為大白村之風水石，有一段怪異之神話。

潮退可步遊之島嶼

島嶼之遊，未必定需僱舟，近岸之島間有沙堤連陸，潮退即可涉渡，步遊島嶼，其樂趣又較舟遊為甚。

境內潮退可遊之島極夥，如嶼西之鷄山，嶼北之長索，坪洲之銀洲小嶼，香港鶴咀之狗髀洲，北佛堂之鐵參洲及鷄仔洲，西貢龍蝦灣之爛排，西貢斬竹灣之黃宜洲及黃坭洲，西貢墟至早禾坑間海邊之諸小島，鹽田仔南之灌杉環，潞西村南之吊鐘洲，糧船灣北丫村之洲仔，吉澳之筆架洲與捕魚排、南涌之老鴉洲，風坑之水浸咀，鎖羅盆外之長石咀、十四鄉井頭村之烏洲及深水灣外之熨波洲等。其中以鷄山及鐵參洲兩島，離岸較遠，行來步步驚心，最為刺激，狗髀洲，爛排及銀洲三處水底滑石遍佈，不易把握重心，隨時有失足之險，老鴉洲周圍軟泥遍地，必也「坭足深陷」始可登遊，吊鐘、筆架之橫渡較為平穩，至於長索島，黃宜洲，灌杉環，洲仔、水浸咀與西貢沿岸各島，幾可足不沾水而過，如履平地。

潮退可步遊之企嶺下海烏洲



潮退可步遊之印洲塘筆架洲



潮退可步遊之牛尾海牛仔排

測量墩漫話

測量墩類多設置於山之絕頂，然亦有例外，如東涌散頭山之墩在山頂下數十呎，百花林上枕田山之墩在立峯下百多呎之山脊上。又有數處山峯，有雙墩之設，如港島之馬塘山，大嶼狗牙嶺之南峯，上水邊區之枳山，鶴咀燈塔附近山脊，九龍東區之大上托，元朗之鷄公山，及穩氹島之主峯等即是，間亦有立墩於山顛之石屋頂上者，如芝麻灣半島主峯公角山，香港之太平山，大帽西脈之鱷魚朝天及青衣橋東畔，今連陸之青洲小島，其最奇異者無過於勒馬洲附近洲頭九十公尺山頂之墩，年前登臨所見，竟以杉木代石。

近年官門關建淡水湖，測量墩大量增設，沙咀廢村後俯覽官門東壩一處山脊，竟有三墩，而界於小徑與沙咀間之四百多呎高山，山坡

遍佈石墩，不下五六處。

海邊水涯，間中亦有石墩，離水面最近之墩當推斬竹灣外割人排，糧船灣企人石畔，破邊洲東岸及印洲塘內之高排及印洲排各處，其中高排一墩，形如螺絲，印洲排墩則竟為一大形，油桶，實以坭石，形貌怪異，其他如海下灣後與鹿頸海旁之圓形矮墩及汀角村車站前之粗大石墩，均去水面不遠。

另有一類石墩，因設立之處地勢平順，或四週滿長矮樹，遂於地上先立一四五呎高之圓台，再在其上豎立石柱，香港之大馬山，西貢區之黃牛山，麻南笏山，大嶼之大澳虎山北峯，貝澳山，石壁觀音山及東涌上嶺皮村後高峯，各處山頭均有離地近丈之石墩

印洲塘高排之螺絲墩



勒馬洲洲頭村山頭之木墩

